

麟遊縣新志草

卷六 卷七 卷八

麟遊縣新志草卷六

士女志下

士乃男子美稱操冰抗節女也而有士行矣古所謂貫金
石泣鬼神者非耶是烏可沒舊志紀節婦之在前明者十
九人有傳者九劉氏生員呂引年妻引年少英敏爲友人
石關陷死非命氏痛之葬日將投穴以殉家人持止之母
與姑晝夜防衛稍疎復自經以救免送歸母家其父諭曰
若死如舅姑何氏乃毀容事親孝養備至有欲奪志者輒
噬指出血搗面大慟而止苦節三十餘年以壽終萬厯十



呂氏邑民何謚妻從夫隨翁任通州廣文夫歿年二十餘子周歲痛夫死異鄉嘔血幾死及歸扶櫬步行每至逆旅抱子撫棺徹夜悲號聞者哀之抵家已無人狀葬畢一貧如洗捋荼自若垂四十餘年萬厯十三年詔旌之

陳氏生員何呈圖妻年二十餘夫亡剪髮納棺中以示志撫遺子汰稍長三爲擇師教之崇正丙子汰登賢書氏孀居五十載壽八十餘無疾終邑令吳謂貞操若共姜義方媿孟母云

郝氏邑民趙應乾妻年二十二而寡遺二孤尙幼依叔姑

三年詔旌之

張氏廩生甄枏妻枏疾篤囑令他適氏泣曰生爲甄氏婦死爲之鬼况有遺孤在耶枏卒氏哀慟欲絕時年二十子甫五月翁姑新歿三柩在堂其季父自武功來弔曉以立孤死節難易氏乃强起喪葬盡禮毀容杜門零丁孤苦力

自支持教子成諸生年九十餘卒萬曆十三年詔旌之

劉氏侯禹臣妻禹臣歿氏年二十五卽自縊以救免葬時復自投穴折左膊幾死輿歸以孤幼爲解乃已家固貧耕

織自給撫孤成立萬曆十三年詔旌之

生員何伯鑑妻李氏生員甄一鵬妻趙氏何洛妻劉氏平
湖縣丞魏俊妻

有舊志無傳而云孀居苦節有司曾旌其門者五人馬氏
監生甄輶妻侯氏監生田孔殷妻呂氏儒士劉麟妻劉氏
生員侯練妻劉氏甯極亨妻

舊志有謂白首完貞鄉里共稱者二人楊氏邑民呂連妻
呂氏邑民何其偉妻

烈女烈婦臨難不苟者吳志二人苟烈女邑民苟尙忠女
崇正七年女年甫笄流寇亂被擄自毀其面罵不絕口遂

度日勤儉苦節歷大兵荒不奪其志二子俱成列年八十
四終

劉氏生員呂珽妻芳年守節撫二子相繼而殞零丁無依
紡績自給以壽終其天年

節婦而有烈行者舊志一人董氏生員石可貞妻貞疾篤
禱神代死及卒痛不欲生母姑以幼孤爲解氏稍安越二
年子殤氏取夫木主設臥室焚香自縊家人覺救不及香
猶熱也萬曆十四年詔旌之

節婦有舊志無傳稱嫠居守義教子列膠庠者四人樊氏

李氏生員劉甯繼室年十七歸劉二十一而夫歿母家憐其少微言改嫁事氏剪髮誓守幽居一室親族罕覩其面撫前室子紡績助讀獲入泮人謂其貞靜有禮云

沈氏邑民劉元命妻年二十二而寡家貧誓不改適姑亡舅存竭力奉事克盡婦道生父無嗣迎養於家十數年晨昏不忘及葬以禮與男無異

劉氏邑民李濬妻濬生而愚癡氏與伉儷克偕畧無憎嫌意年二十二濬亡遺一子一女舅姑憐其少欲改適氏不從堅志守節孝事翁姑慈撫兒女官師皆表其門

遇害趙氏生員趙玉堂妻家貧常以紡績佐夫讀崇正末
流寇劫掠義不受辱墜崖死後玉堂登鄉薦歷官御史贈
孺人節婦之見於

國朝者續志八人魏氏生員呂擢妻年二十七而寡翁姑
衰老遺孤孱弱仰事俯畜孝慈兼盡後翁姑俱以上壽終
二子並入學校年六十五卒

趙氏邑民李儀鳳妻貢生趙琯女鳳亡氏年二十四無翁
姑家徒四壁氏曉夜紡績易粟而食拾薪而炊歷五十載
男女皆婚嫁更貽厥孫謀焉

龍隨父河州訓導任病卒氏年二十一痛欲同死家人以親老子幼解遂止事奉撫育備歷艱辛苦節六十六年

節婦之旌於嘉慶間者一人田氏邑人孫義妻生員田作聖女年十七歸義越五載義亡子週歲家貧舅姑衰老氏紡績自給甘旨無缺教子義方苦節三十餘年

節婦之旌於道光八年者一人田氏邑民胡耀妻年十七歸耀耀亡年二十三親老子在抱貧難自存氏事親撫孤辛苦備至歷四十餘年

節婦之旌於道光九年者十八人事蹟能詳者二人梁氏

田氏生員魏大經妻年二十夫亡氏事翁姑生死盡禮尤
善事繼母晨昏無閒撫一子一女俱已成立苦節二十餘
年卒鄉里憐之

李氏邑民母興妻年二十七而寡無子女家貧守志晝夜
績紡自給遇荒嘗數月不舉火晏如也有勸改適者卽怒
絕之後抱棄兒得成立爲嗣厯三十六年卒

王氏歲貢張鼎甲妻鼎甲亡氏年二十七事姑克盡婦道
撫二孤理家事艱苦備嘗堅操不易年七十四卒

節婦於舊志外別見郡志者一人趙氏拔貢劉從龍妻從

五十餘年云

節婦之旌於道光十八年者十一人趙氏民人田生堯妻
夫故年二十八歲子幼稚孀姑在堂內外無依氏飲冰茹
蘗慈孝兼盡歷三十餘年馮氏楊生元妻年二十五而寡
翁姑垂暮四壁蕭條氏紡績承歡生事死葬杜氏劉耀祖
妻祖亡氏年二十三矢志不移奉養翁姑克盡婦道教子
成家有母範焉趙氏王成章妻年二十四夫亡翁姑俱歿
家無成丁撫子成立克振家聲垂五十年若蘇敬妻劉氏
馬呈祥妻魏氏張邦彥妻邢氏馬壽妻刺氏李茂林妻張

李宗仁妻夫亡年二十五家貧無依飢寒備歷撫子至於成立垂四十年杜氏李正耀妻貢生杜世清女夫亡遺孤二長甫免懷次在抱翁姑垂老氏克盡孝養撫二子俱成人其事有未詳者侯氏孫振邦妻馮氏趙栢年妻楊氏陳秉禮妻馬氏陳三清妻申氏孫振宗妻牛氏劉喜妻石氏李元妻王氏孫振西妻王氏李鵬年妻閻氏李鳴鳳妻閻氏申如瑞妻十一人皆苦節二十餘年若劉中敖妻楊氏王義妻王氏二人則苦節四十餘年若馬龍妻梁氏則苦節三十餘年其最久者惟普彥邦妻丁氏一人堅操矢志

曰振海振邦俱幼氏誓矢堅操事翁姑克盡婦道訓子以詩禮二子俱列膠庠魏氏劉文炳妻年十九炳亡家貧親老婦盡子職垂三十餘年張氏趙槐妻夫亡年二十一子在襁褓翁姑皆患癰蹶奉藥餌撫遺孤孝慈兼盡子殤復撫幼孫成立壽七十七趙氏李晏發妻家貧守義荼苦自甘節婦有終以死殉者李氏民人何疑妻監生李博女疑亡氏年二十五家貧無嗣紡績自食矢志三十餘載光緒三年歲大祲自悼無依泣奠舅姑及夫墓還閉戶自經有婦姑同以節見者李氏趙琇妻琇亡年二十餘家徒四

氏刺金魁妻何氏此六人者悉皆青年守志家計艱虞奉
親撫孤紡績自給又有劉旭妻吳氏旭亡年二十五堅心
矢志歷三十餘年亦得旌入祠

節婦之未得旌者六人魏氏生員陳廷珠妻年十七歸珠
越三年而寡撫伯氏姪子爲嗣奉親孝謹訓子有方年
六十而終李氏陳慶虞妻于歸時年十七越五年夫亡家
貧子甫免懷翁患癰而姑亦多疾氏終日垂泣以至喪明
然奉親撫子曲盡孝慈不以目故廢禮年五十七終前學
使獎爲義貫丹青楊氏張適中妻夫亡年二十七遺二子

撫孤奉親克盡婦道今年五十二子已殤惟一幼孫矣

飲冰茹蘖固徵就義從容而慷慨捐軀亦巾幗而鬚眉矣
自同治以來死事可詳者七人董氏生員李含芳叔母同
治二年避賊高密密破被執義不受辱遇害王氏劉奇妻
同治三年回至避村外渠中賊搜得之脅與行氏大罵賊
刺喉死何氏石瑩妻同治七年回掠其家氏執刃當門罵
之遂遇害邢氏新莊堡頭馬士傑妻堡破士傑被殺氏大
罵之遂被害李氏魏臨淄妻同治七年賊至避地密中賊
不得入誘之出不應聚草焚之賊去數日家人掘得其屍

壁無以爲生子振基尙幼氏將茶飲泣撫子成立娶婦晁氏結褵四載振基亡晁年二十奉姑守志備極孝養姑婦相依爲命垂四十餘年養子淡章以奉裡祀前學使旌曰一門雙節邑人士頗稱之

烈婦之殉夫者一人侯氏雷成禧妻貢生侯關西女成禧歿氏年十六殮日卽欲殉家人救免越日衆稍懈遂自經柩前學使表其墓曰節烈可風墓在龍穴下鄉人咸呼烈婦塚云

魏氏閭江妻年十七歸江生子女各一江亡氏年二十五

趙氏張五運妻馮氏韓生富母劉氏吳奉璋妻王氏吳大德妻郭氏馮積玉妻室女則張永貞馬登瀛之女

又有生員許朔評妻閻氏魏肄業妻邢氏及民人劉滌之女皆婦女之被執不辱忿激自盡者

論曰易言恆貞取象婦人之從一蓋以柔應剛久於其道斯貴耳觀節烈諸婦女平居深處閨闈未嘗學問非有師友切磋陶成跡其所爲常變死生從容慷慨雖各不同而要其至死不變樂甚於生者初不失恆貞之義焉以視負義偷生不能從一者相去果何如哉

已焦頭爛額矣王氏田毓璋妻同治七年土匪亂氏被執
賊欲偕行詎曰爾姑待吾取家中物卽至矣歸卽自經張
氏孫萬億妻同治七年土匪亂氏佩刃負子行賊強奪其
子氏度不得脫自刎死石氏陳嘉謀妻同治七年回竄村
中捶楚索金將及其家知不免棄幼女墜崖而死馬氏劉
廷俊妻同治七年回至被脅不屈賊劈其首死

婦有妯娌共死於難者王氏閻愷妻甄氏閻渭妻同避賊
高密密破舉家十八口死之

婦女有被執不辱罵賊同死者八人婦則馬氏劉廷俊妻

麟遊縣新志草卷七

選舉志

士之立功德言者不皆出自科目然賢良文學著爲令典
後世類以是興麟爲岐周舊壤沐浴菁莪雅化登進當倍
他處乃金僅一藺世一舉劉遇榜進士元亦僅甄允中由
進士厯戶部主事進倉場監納唐宋間訖無聞焉是何寥
寥哉殆亦版籍之無稽歟不然明白洪武十八年制定科
舉後士勃然興匪惟南宮鄉薦後先踰濟卽貢成均入胄
監流芳史冊者亦不乏人抑又何盛歟今并列於篇

麟遊縣新志草

卷六

九

珍衛經

李著

解元豐城知縣

胡清

一作靖

呂靖

教授

正統十二年六人田濟

甲戌進士

閻儀

大同府教授

祁琮

陳雷知縣

歐芳

通判

杜玉杜繼倫

景泰七年五人甄希賢樂鳳田祿牛林侯珠

知縣有傳

成化十年一人田孔昭

嘉靖十九年一人呂哲

大理寺評事

萬曆四十三年一人趙光國

天啟元年一人陳尚策

亞元山東登州府推官

崇正三年二人劉承纓劉元泰

考定知縣有傳

九年一人何汰

有傳

甲明五人景泰時一人田濟

甲戌進士眞定府知府有傳

成化時二人甄希賢

儀孫二年丙戌進士湖州知府雲南道御史有傳

田孔昭

濟子

十一年乙未進士大理寺評事有傳

崇正時二人劉承纓

四年辛未進士荊州府推官有傳

賈漢儒

十六年進士

國朝乾隆一人劉思齊

十九年甲戌進士高宛縣知縣

科明洪武時一人甄儀

二十六年癸酉舉人兵部侍郎有傳

永樂時四人十二年一人李眞二十一年三人何昇

工部郎中

有傳蔡敬

御史蘇斌員外郎

宣德十年七人王璟

眞定府通判

侯威

蒲州同知

李觀

交趾威蠻州知州

李

敏長沙府楊源山西襄垣縣訓導李濟潞府典寶張信東安主簿史友信襄陽

左衛石有年拔貢河南鄭縣主簿何深鄭州訓導杜亨荆府典寶侯璽江西新喻縣丞

蕭鳴武清縣丞張緒綸馬湖府訓導甄希翰儀孫嘉善主簿祁自然山東邱縣

主簿虎臣雲南知縣有傳蔡馨四川都主簿孫沓山東平侯連趙府典儀何興

直隸良鄉主簿呂庭訓永川主簿趙紀四川大足縣丞侯甸河南襄城縣主簿何舉直

滄州田永濟孫四川大吏目王欽山西千戶所吏目石瓊潞府奉祀史繼清

充府典簿羅彥明雷守衛經歷張幼純河間府經歷胡瑞慶府典寶宋廷臣臨江府

府照磨侯尙德浦縣縣丞史繼良清琅衛知事李英兗州府檢校甄軌希賢子魯

府教授有傳高廷瑞洛陽訓導石聰武定州訓導胡廷味典馬維學孟津縣訓

十二年一人賈漢儒

國朝順治二年一人趙玉堂御史八年一人劉岐有傳

乾隆時三人九年一人劉思齊十五年一人杜陵陵子景

運戊子科舉人

貢明百四十二人仕者百五人張惠永樂間貢儀觀壯偉成祖幸太學見而異

之除禮部郎中石磷四川崇甯知縣田原濟父伊府典儀有傳張興四川榮經知縣李盛川

宜賓知縣溫玉聊城知縣高亮定興知縣何玘四川宣撫司學訓侯雲河南南開封府通判

張漢惠長子山西太原府推官馬鏞湖廣安判官吳清直隸肥鄉知縣劉瑄山東永知縣

甄遠儀孫後屯衛知事張奇惠次子四川井研王簿陣亡贈知縣張廣隨川縣稅課司大使干

延川劉訢長武教諭呂士先向子夏邑教諭公孫址遠四川通判劉承纓拔貢

荆州推官有傳張九德訓導劉譔甯夏衛教諭魏俊平湖縣丞劉承綰誦次子咸甯訓導

導許占鰲拔貢任主簿趙東拔貢甯州訓導馬負圖萬泉知縣侯瓚湖廣岳州訓導

趙希元畧陽訓導趙應期四川蓬州訓導

未仕者三十五人羅縉李隆楊銘楊賢母窮侯璋侯至公

侯萬鍾胡紳田孔殷濟子甄輶希賢長子田孔碩濟子史繼賢呂輔

呂廷美何冠劉允祁志聰牛存善李文中任朝聘劉魁石

關刺敬王召趙世科楊安馮嘉植趙應斗甄明馮紹京子

于成麟田域劉心廣楊四謙呂向拔貢有傳賈漢相拔貢

導張崇福歷經羅容四川遂甯主簿楊廷傑山東甯陽縣丞呂侃四川遂何

綸昇孫劉朝幹四川犍爲主簿胡琅訓導何世熙韓府教授胡廷輔訓導王

大輔主簿梁喬四川訓導甄天衡儀曾孫四川塾何廷琦山西知

何薊四川瀘州判官劉朝欽陳州學正魏世元山東歷城教授楊鳶甘肅華亭縣丞祁

澂四川蓬州訓導何桐隆德教諭孫廷輔韓府教授劉朝楨邠州學正祁脩業

四川甯遠教諭趙希商東子肅州教授劉誦咸陽訓導王汝濟高臺所學正劉汝

哲四川保甯府通判有傳石巖肅府教授楊春芳延長教諭何伯鏞延琦子河

官田養性山西平遙教諭有傳劉從治臨洮府教授田養民直隸永平府教授張

應科山西趙城訓導劉承綬誦長子四川太侯承志甘肅華亭教諭呂濱

佩璫魏藥趙翰張璵張翼劉從典張偉任鉅趙技趙紹徽

趙史李可用趙二儀劉從龍乙丑拔貢劉安壬子拔貢

雍正時六人仕者一人劉浩鄆縣教諭未仕者五人魏大鶴楊

希賢侯維翰呂爾端魏涵趙時雍優貢

乾隆時三十人仕者七人呂爾翥鳳縣訓導趙秉忠甯羗訓導劉

思齊高宛知縣張衍郡咸縣訓導魏夢祥甯當教諭劉士傑教諭魏廷孝

丁酉拔貢四庫全書校錄議叙州同歷署白馬關州判莊浪縣丞甯夏捕鹽通判

未仕者二十三人趙詩劉廷佐趙汜趙攄劉璉張文明張

文淵呂佐趙秉衡張浴郿任龍呂有光甄樅趙據魏夢龍

國朝順治時四人仕者三人趙璠

國朝順治時四人仕者三人趙璠揚州興化知縣有傳劉心厚拔貢

通判劉江甲午拔貢未仕者一人劉緻

康熙時四十三人仕者十五人趙珙隴西訓導有傳劉崙新貴知縣遷東

城兵馬司副指揮張懋學韓城訓導遷張楷長安訓導遷劉元昌

白河訓導李應高清澗訓導張聯甲高陵訓導劉涇河州訓導魏棠安化訓導劉

象鼎咸陽訓導劉鐔靖邊訓導趙易岷州西固訓導呂爾鐘褒城訓導呂爾恆拔貢

西鄉訓導公孫植謀壬子拔貢華陰教諭

未仕者二十八人劉心太張璞劉藻趙琯田夢龍王者友

侯允盛石光斗何其俊張鼎甲馮紹唐魏榮甯楊崇震何

同治時二人侯關西何延榮癸酉拔貢

光緒時五人田漸陸趙躋堂趙鳳翥苟朝翰王漢鼎

以例入貢者明五人劉壁汝哲子李先芳陳堯章尙策子劉嵐

承纓子張鑄九德子

國朝十二人趙宗器璠子直隸州州判趙松鶴玉堂子候選中書何萬勃

趙紹純呂爾宮侯選縣丞趙宗孔璠子趙禮器子趙丹桂張譽魏雲

漢王選李成蔭有傳

椽吏一人侯王賓江西奉新典史

武科明二人劉宏規趙武策

田作哲

有傳

魏登楊斌杜陽劉傲基劉從發石天職趙慶餘

有傳

嘉慶時七人仕者三人張建邦

商州訓導有傳

閻希聖

藍田訓導

何見

龍洮州訓導

未仕者四人劉京元杜楫李發甲

有何信

道光時七人李同栢李同梓

有傳

李琇李思道李蔚李萃張

仁李三台田樹基田毓芳

己酉拔貢

咸豐時十二人聶亮許大任王丕緒姚丕基馬錫章許大

成魏清翊劉志信田夢鼈張象聖劉懋哲盧奉清劉沆

辛酉

拔貢

趙學顏

賓

謝良才

賓

王洪恩

賓

甄

景

賓

趙玉堂

正

呂周

宰

賓

趙璠

正

李本澈

賓

趙珙

正

趙玘

賓

劉崙

正

郝宰

賓

白

進海

賓

劉涇

正

李澣

賓

杜紹美

賓

陳五玉

賓

申世隆

賓

楊

正邦

賓

張鵬翼

賓

王夢元

賓

吳榮

賓

李思道

大

李萃

正

李

蔚華

賓

甄陶樂

賓

紀芳

賓

王德林

賓

李芝齡

介

流寓非麟產也然遷地爲良子若孫衣冠蔚然爲麟著姓

是亦麟士矣况操行之卓卓者哉得附書

劉仲祥洪武時爲花雲部下干戶征討有功世襲陝西指

揮使時尙連坐同衛有恃功不媚於上者誣以法當坐祥

國朝二人馬登龍李占鰲

武功明二人范高洪武五年歷遷遼東都司都指揮使馮增錦衣衛百戶

封贈明十一人甄餌以孫儀貴贈兵部左侍郎甄仲德以子儀貴贈兵部左侍郎甄

琦以子希賢貴贈御史何義以子昇賢贈戶部主事田原以子濟貴贈戶部員外郎蔡文

以子斌貴贈戶部員外郎史敬以子友信貴贈衛經歷張元以子惠貴贈禮部郎中劉福以子

汝哲貴贈劉誦以子承纓貴

國朝一人趙應宿以子玉堂貴贈監察御史

射飲之禮所以仁鄉黨有其舉之高年碩德足以風勵後

賢古道亦於是復故仍續志書之

麟遊縣新志草卷八

雜記

周文王時鳳棲西郊石岑

漢元狩三年獲白麟於鳳鳴山

漢書地理志杜陽註杜水南入渭莽曰通杜師古曰大雅之詩曰民之初生自土沮漆齊詩作自杜言公劉避狄而來居杜與漆沮之地

後漢書郡國志杜陽永和二年復註詩譜曰周原者岐山陽地屬杜陽地形險阻而原田肥美又註曰中平六年省

遂棄官去喜麟遊山水因家焉子孫繁衍科第蟬聯爲今
輿谷里劉氏始祖云

劉鏡廣平府永年縣舉人任山東鉅野知縣丁艱里居值
闖亂與弟鑑避地來麟一貧如洗兄弟怡怡友恭不失雖
顛沛流離中吟咏自樂其亦有道君子歟著有漆水吟今
散逸

制度壯麗大怒曰楊素爲吾結怨天下素聞之慮譴封德
彝曰公勿憂俟皇后至必有恩詔明日入對后勞曰公知
吾夫婦老無以自娛盛飾此宮豈非忠孝賜賚甚厚

仁壽二年春三月幸仁壽宮

崔善爲武城人仕隋爲郎督工役營仁壽宮總監楊素索
簿閱實善爲執版暗呼無一差訛素大驚異自是四方疑
獄令之按訊皆悉其情後入唐歷大理司卿知秦州卒

四年春正月甲子幸仁壽宮

帝將避暑仁壽宮術士章仇大諫曰是行恐鑾輿不返帝

扶風都尉置漢安郡鎮雍隃麋杜陽陳倉汧五縣也

晉孝武帝太元十年五月西燕攻長安秦王苻堅奔五將山七月後秦圍五將山執秦王苻堅以歸

隋高祖開皇十三年春二月作仁壽宮

詔楊素營仁壽宮於岐山之北素奏宇文愷封德彝爲土木監於是夷堙谷以立宮殿崇臺累榭宛轉相屬役使嚴急丁夫多死

十五年春三月仁壽宮成

時天暑役夫死者相次於道楊素悉除之帝不悅及至見

永徽三年改曰萬年宮乾封二年復曰九成宮

貞觀六年春三月如九成宮發使存問高年鰥寡四月醴泉出九成宮西城之陰

貞觀六年上幸九成宮避暑御史馬周上疏曰大安宮在城西制度卑小而車駕獨爲避暑之行是太上皇留暑中而陛下居涼處也溫清之禮臣竊有所未安焉且太上皇春秋已高陛下宜朝夕視膳今九成宮去京師三百餘里太上皇或時思念陛下陛下何以赴之然今行計已成不可復止願速示返期以解眾惑仍亟增脩大安以稱中外

大怒繫之長安獄期還斬之

仁壽中仁壽宮及碧城下數聞鬼哭獻后及帝相次而崩
恭帝義甯二年宮中獲白麟因改郡麟遊

又義甯二年麟遊太守司馬武獻羊羔生而無尾議者謂
楊氏無後之兆

宋白曰隋於網川谷置普潤縣蓋以杜漆岐三水灌漑民
田爲利甚溥因爲縣利也

唐書地理志九成宮本隋仁壽宮義甯元年廢貞觀五年
復置更名九成周垣一千八百步並置禁苑及武庫官寺

陰刻之金石錄等書并作六年非是

碑版廣例云舊唐書會要載高宗永徽二年九月戊戌改九成宮爲萬年宮五年三月親製萬年宮銘并敘羣臣請刻石永光門外仍令中書門下及文武三品以上并學士自書名位於碑陰其年閏四月山水暴漲夜衝元武門漂溺麟遊居人及衛士死者三千餘人乾封二年改萬年宮依舊名九成宮高宗萬年宮銘御製羣臣從官題名其後可見一時體式其文琢鍊極妍盡致亦唐文中所不多見然較之魏公九成宮銘風骨固殊矣九成宮銘以人臣獻

之望

十三年夏四月如九成宮

高宗永徽五年閏四月帝在萬年宮夜大水

高宗在萬年宮山水暴至夜突元武門宿衛皆散郎將薛仁貴曰當天子緩急安可懼死遂登門枕大呼以驚宮內帝遂出乘高俄而水入帝寢漂溺三千餘人帝曰賴有卿以免始知有忠臣也賜以御馬

冊府元龜永徽五年五月御製萬年宮銘刻石於永光門外令中書門下及文武三品以上并學士自書名位於碑

今歸然有老醴泉耳化度寺在朱雀街今禾黍離離無復
蘭若之迹不知碑亡在何時每至其地悵然久之

金石史云趙子固謂率更化度醴泉爲楷法第一余謂唐
楷第一耳顧化度已毀醴泉非舊先正奉八十年前於先
外祖確山公請得一本百年前物也公姓東氏閥閱甲關
中圖籍之癖卽斷墨殘楮珍笥不棄故古碑板最富余志
學之年卽酷好之萬厯間託趙常吉鑒定裝璜差稱善本
鋒鏃雖存剝蝕儉瘦於意未盡後過渭南宗伯元象先生
出示一本云朱汝修物也余一見擊節咤異宗伯舉酒謂

應遊集卷之三
納而隱然納君於道萬年宮銘以人主敷文而快然於藝苑爭長君子讀其文又喟然想見其盛衰之際也

永徽五年七月辛巳萬年宮有小鳥如雀生子大如鴈鳩儀鳳三年五月丙寅高宗在九成宮霖雨大寒兵衛有凍死者

五行志

石墨鐫華云歐書皇甫君適勁此碑婉潤允爲正書第一碑已缺殘余曾見一舊榻已爲貴人攜去浙中余所收乃二十年前物近復得數紙其中被縣令鑿損三十餘字則余本又爲難得矣趙子固謂率更化度醴泉爲楷法第一

本竟入剡中輒爲扼腕垂二十年始獲此本恨不能聚諸
公一堂舉酒拍案絕叫也客或嘲余甯渠昭陵蘭亭敬仁
像贊篤好乃爾因解曰余不云乎唐楷第一耳又當趣大
白浮之客皆大噱

金石錄云萬年宮碑陰者高宗自爲萬年宮碑詔宰相而
下皆題名於其陰予每覽此碑見長孫無忌褚遂良許敬
宗李義甫同時列名未嘗不掩卷太息以爲善惡如火火
決不可同器惟人主能辨小人而遠之然後君子道長而
天下治若兼收並用則小人必得志小人得志則君子必

余朱趙賞鑒收藏聲溢都門每過輒共賞皆拍案絕叫謂
天下第一本也汝修物故遺書散亡以三十千得之舍人
子偶座客謬指剝蝕宗伯輒以大白浮之余生平所見數
十本皆出此下昔人云亡書每似憶良朋余於法書亦云
往來胸臆二十年間頗得數本別有識最後得此本僅關
十四字壯偉瓌奇頓還舊觀楮墨精勒界縷猶存眞北宋
物也昔人所謂草裏驚蛇雲間電發森森若武庫矛戟者
隱然可見視宗伯本不啻奕奕過之矣憶昔子函著石璽
鐫華見一善本便鼓掌絕叫四座色飛一日語余曾見一

舊三石真人行實云孫思邈京兆華原人周宣帝時隱太白山隋文徵之不就唐太宗將授官固辭高宗拜諫議大夫又不受一時知名之士宋令文孟詵盧照鄰皆師事之嘗從幸九成宮照鄰畱其宅時庭前有病梨樹照鄰爲賦其序有思邈道洽古今學殫術數云云

九成宮磚瓦堅潤倍石完好者琢爲硯可方銅雀已絕不可睹云

舊志

金石錄云八馬坊碑鄒昂撰開元之治盛矣監牧之制其詳如此錄之可見當時之制焉

麟遊集新志卷之八
被其禍如無忌遂良是已然知人帝堯所難非所以責高宗也

石墨鐫華云萬年宮卽九成宮改名高宗幸而銘之書之也書法視英公碑尤爲勁拔

又云萬年宮碑陰云奉敕中書門下員外郎文武三品以上并學士並聽自書官名于碑陰後列從官五十餘人長孫無忌李勣褚遂良輩皆與焉書名大小不倫然皆有法卽恕苾賀蘭亦不草草一時之盛令人仰想其後武氏亂之不復可觀矣

唐元安禪師麟遊人夾山將來此
矣師曰不然他家自有青山在山曰苟如是卽吾宗不墜

天寶八年夏麥生二歧秋禾一莖三穗

舊志

後梁貞明六年蜀將陳彥敗岐兵於箭筈嶺蜀兵食盡引
還

九成萬年等碑各跡烜赫固爲金石寶貴如宋人磨崖諸
刻書字適美足繼古人者亦當存之使後有考如天台山
題名二一云開封向子褒德卿京兆田灝載明行部自涇
原還岐過九成宮因按圖蹠蹠周覽爲之徘徊感歎而去
宣和甲辰仲夏旣望日題隸書大徑七寸饒有古趣側題

唐自乾元以後嘗置隴右軍於普潤貞元中又以神策軍屯守謂之普潤鎮元和初改軍名曰保義

上元初鳳翔節度崔光遠破党項於普潤大厯九年吐蕃寇隴州普潤鳳翔節度李抱玉卻之貞元十年秦州刺史嘗寄治普潤

開成元年夏鳳翔麟遊縣暴雨水毀九成宮壞民舍數百家死者百餘人

天復二年李茂貞盡出騎兵於麟州就芻糧

唐元安禪師麟遊人夾山將寂時語曰石頭一技看看滅

五寸許遼美超秀龍穴題字多損失不可謄首一行云溥
南許古道眞題次行云酌某百穀之秋成三行云閨二公
祖道於此四行云仙遊觀閣將入五行云古簿尉謝大節
六行云日約縣令溫敦七行云勸農晚宿麟遊八行云年
九月十六字大三寸許行楷亦有法度惟文義斷缺殆亦
當時宴遊記歟石曰山有磨崖刻七絕二書法雅近東坡
道美可愛其首刻石曰山詩四字下刻詩云石曰山頭有
一僧朝無香火夜無燈爲嫌俗客頻來往欲向中
石層後書浮休繼作四字又詩云仁壽宮南十里餘澗泉

損一字斷

縣志卷之五

金石

七

承節郎差權縣尉權縣事王伏命工刊行楷二行重題一
大寸許一二寸許亦均有致又一題云□□史公奕季宋
□楊行屬縣普潤□李士謙子進相□至此縣佞荆鐸□
文簿尉幹□□□年同遊九成故宮登覽久之泰和五年
季春晦楷書缺九字大小與前等筆力挺拔雅與君謨萬
安橋碑近高石崖題名三一云令王疎尉趙匪躬進士祁
確尙全曹鵬熙甯已酉清明日同游一云鄭均趙壁乘暇
訪古到此邑士邵景仁繼來建中靖國元年三月初九日
一云令廖山甫尉王謂皇祐四年仲冬三日來字行楷大

前小字一行書趙郡蘇軾云云別無摹刻姓氏歲月
會故獨游至此有懷舍弟子由云云別無摹刻姓氏歲月
郡署亦刻此詩後刻趙郡蘇軾云云未刻細字三行一刻
元祐庚午秋天王院僧一刻鳳翔府天興縣尉林餘字漫
漣當是摹刻姓氏兩石互有同異均不言普門寺公集云
壬寅九日不與府會獨游普門寺僧閣有懷舍弟子由考
公年譜時方籤判鳳翔與集亦合惟首句作盍不歸石刻
作曷不辭稍異考郡志天王院久亡普門寺在郡東郭相
傳唐建則寺不在麟可知麟又何有此刻且郡石有歲月

蕭瑟路縈紆當時祇是無香火今日更和僧也無詩下題

云浮休居士麟遊令閣上功尉黃舜元幽州進士張抗幽

州進士李勉元祐四年冬十一月上浣同陟石左題云李

叔南王公畏張天粹同遊丁丑清明日又題云趙連城張

天粹敬允叔姚天祐同遊甲辰三月上浣字五寸許行楷

亦有姿態其亦宋人所爲歟因並記之

按浮休居士張舜民字芸叟同州守

學宮有東坡自書詩刻云花開美酒曷不醉來看南山冷

翠微憶弟淚如雲不散望鄉心與雁南飛明年縱健人應

老昨日追歡意已違不向秋風強吹帽秦人不笑楚人譏

萬曆二十三年鳳翔地震五月麟遊烽火臺雨雹大如斗

郡志

天啟二年八月地震聲如波濤屋崩山傾五月乃止

舊志

崇正八年大饑賊掠城野九年發帑遣內臣賑之十一年
秋大旱蝗食草木禾苗盡十二年遺哺食麥十三年旱蝗
大歉冬人相食十四年春饑又疫死者相枕藉生員劉奎
施義地瘞之十四年大熟野麥旅生無人採食十五年風
霾雨土十六年流星殞於東南聲如霆震逆闖破西安

舊志

國朝順治十一年六月地震瓦屋奔折斃人畜

此獨無而神彩超逸又過郡刻意者公人品學問推重當代學士劉敞常相唱和一時真蹟流傳在麟者不少復有如郭九齡者摹刻之歟書之以俟博雅

明嘉靖三十四年十月地震如雷死人畜最眾

舊志

隆慶二年五月雨雹禾盡偃

舊志

萬曆元年蟲食麥盡十年十一年十五年連旱十六年大祲民死甚二十九年雨雹有大如牆者彌旬二十八年自八月旱次年四月始微雨民大疫四十四年飛蝗蔽天鄉

民哭聲震野

舊志

眾虎相戒莫浪出小民始敢拾橡榛余也未能熟爾雅細
檢釋名爲駭馬鋸牙食虎易有之在卦爲乾豈云設昔聞
宏農虎渡河河之北岸將奈何此物食虎虎應絕宏農善
政安足多攬公大篇起嘆息自慚培塿觀餘皆不錄舊志
嵯峨有此異聞那可泯走筆聊賡食虎歌

乾隆四十七年四月雨雹偃禾折樹間損人畜

道光十五年乙未三月雨粟是年麥禾均無收

咸豐四年地震逾時

同治元年五月雨雹六月飛蝗食禾盡回逆至二年夏雨
雹七年二月有星如斗落西南隅赤光灼天空際有聲是
年麥價騰貴死相枕藉九年蟲食麥民有饑色

詔免徭役有差十二年三月雨粟似蕎而小食之與恆產
小異四月雪霜殺稼

詔免田租三之一十四年春夏大旱

舊志

順治十二年冬十月有物如馬食二虎於西山次年春又

得虎頭於南山知縣吳汝爲作義物噬虎行和者成映府

學教授孫爾思詩云

麟遊之山石磽确麟遊之谿水瀧潯綠林蟠據將十年官衙荆杞長於樹

邇來盜息禁剿緱黎民稍稍耘清疇亂後莽蒼多虎穴不
翻麟遊惟虎遊爪牙鉅利若鈞戟大噉吾民同蚍蜉行人

畏虎不畏盜蚤夜時復持戈矛檠陸吳公自東魯來令杜
陽德施普三年遂覺甍瘝瘼四境不聞稱疾苦更欲拔矢

射樞星永絕彪羣邑安堵公無苛政繼宋均神物亦感公
之二

志稱山民之愿不知錦繡梁肉爲何物一時習尙可謂美
矣不數十年一旦變易肆其所爲不以爲怪今之麟救死
扶傷終歲勤動衣食不充民生其間真不解有膏粱其亦
反古之機歟書曰旣富方穀大都習俗之變有氣運人事
焉不可例論也古稱雍州土厚水深厥民樸重質直周文
武以善導之則漸仁摩義盛禮興樂秦累世以猛驅之則
禦侮力穡以成富强前志所載迄今數十年習俗屢變於
戲黃霸守潁川而民以敬讓子真隱谷口而山人觀型斯
言宜三復矣

光緒三年旱荒四年秋蟲食禾幾盡五年五月地震有聲
牆宇傾頽十二月又震六年三月霜殺禾麥

吳汝爲水利論曰秦中水利在在有之麟爲漆杜之源而
泉又最多然從無以溉田者蓋地寒不宜稻水寒難爲田
近水者地狹而工多費重而獲寡民亦弗勤殆亦地宜使
然非盡人偷也然民貧無終歲之計遇大旱周張徬徨不
知所處宜平時盡力溝洫使早有可溉則綢繆在未雨之
先雖天道靡常無虞坐困矣

舊志

吳汝爲風俗論曰瘠土之民莫不向義勞也麟之土瘠舊

踵是法行之不十年人皆士著鳴吠相聞聲援相接盜將
無所厠足還定安輯之方亦思患預防之道也豈等亡羊
而補牢哉

波吟洞爲指揮劉崙讀書處一時題咏甚多有自作秋興
詩二首尤佳詩云嫋嫋秋風淡淡波孤雲飄泊奈愁何空
山落葉黃昏雨深谷幽人白石歌極目南天賓鴈渺回頭
北闕杜鵑多荆裙妬殺鸞釵貴颯沓金花滿澗阿白屋黃
花苦寂寥病容詩思總無聊匣中啟劍冲星斗肘後循方
采藥苗落木荒陂秋淡淡鳴鷄虛閣雨瀟瀟仙家瑤草何

劉虞尊弭盜論曰麟自甲戌至癸未迄無甯歲加伏澄名
一帶北接涇靈號爲淵藪蓋豐草長林烟火斷絕時有禦
人顛越之警鼠竄狐埋遂不可制識者憂斧柯焉向議於
催木嶺修復寨堡設斥堠以守下令逃丁客戶復業墾荒
者得自便宜官給牛種假歲月減征輸以愚民難於慮始
休於積薪不果行及蠲租

詔下不逾年襁負來歸者竈爲日增要由適樂土務本業
不呼而集人情比比然也推之三家店舊鎮通乾永南永
安舖安寺莊通扶岐西石窰關通汧靈此皆要害之衝率

詩則不敢附和也劉圖附刻卷末以誌鄉賢遺墨覽者自有辨焉

威龍山聖母廟神甚靈異鄉人祀維謹稱曰阿姑聖母道光戊子七月七日衆方賽神有男子攜斧入伏神前禱祝有辭祝已舉斧斷左手以獻神色自若無痛楚狀惟血痕數點而已衆駭甚詢之則長武民王登貴也父病篤祈斬手以代耳已而病果愈登貴亦無恙今手猶皮神側形色如故殆亦孝思感格歟

麟之山川奇險萬狀余由九成宮西歷招賢兩亭花廟各

年長弱水蓬萊路更遙

地理志載山川古蹟以徵險夷驗廢興耳若排纂數景誇飾耳目古義殊蕩然矣昔張光孝志華州地理後亦載八景並贅以詩細味其文上冠故志二字可見循舊附存非本義也麟志舊亦未有惟

國初邑人劉指揮崙有麟山十二景圖之刻然究未入志乾隆間纂脩郡志邑令區充始纂爲八景繫詩以上其畧曰古殿松濤青蓮烟雨屏山噴玉鳳嶼迴瀾吳峯插碧石鼓喧春澄江浣月寒潭飛雪云云郡志梓其詩茲存梗概

花鮮零屋瓦礫劫火殘二三父老樂且盤粗衣惡食天真
全山中甲子不知年平生目未識長官摩肩扳輿相笑看
手揮弗去爭喧填太古遺風良足歡笑我頻年塵網牽南
船北馬空流連夢繞青城路三千呼奴且擲沽酒錢牀頭
一醉叅睡禪壬午秋彭洵題

彭洵慎思室記云余性拙每舉必澄心凝思審顧周詳而
始出一失措恒十百晝夜弗安初來麟息驂小園公退檢
文書寢所人吏雜遝戶外無片刻清涼境心甚苦之俄居
內院庭宇湫隘僅足備棲息飲食而筆硯簿書無所置視

鍾卽自作七古一篇錄之以補風謠之缺詩云亂山雜遘
形巘岼隨山百轉溪回旋夾溪峭壁凌雲端中藏細徑蛟
虬蟠一罅天光井底觀幽巖濃蔭炎暑寒東西冥迷行步
難澗石踏盡登層巔十夫牽挽不能前舉手直欲捫青天
恍如駕虹乘紫烟眾峯羅列衣袖邊放眼四顧心曠然倏
露平陸條林縷條爲桑田倏奔川團團古樹綠陰圍薔花
如雪鋪白綿牧兒驅羊相後先人家陶穴山腰懸門前牛
馬酣高眠鷄犬雲中同登仙上探月窟下墜淵飲憩難憩
筋力殫紅日已晏未傳餐荒村小市屋數椽敗牆欹側苔

且陋予甚適焉夫天下萬變而莫測者事也雖然有一定

者理也以莫測之事雜至紛投無不欲蔽我智慧亂我是
非使得各售其欺以遂其欲非窮起止極變幻禁躁妄絕
私欲竭慮殫精力求所以確然不易之理則其見必偏而
其動也多失斯民之哀愉欣戚愈不得其平況雨畢風箕
好惡尤異一時法制禁令安所得人人快心固有思之而
不得者斷未有不思而得者使事會之乘漫不加意則如
處暗室幽晦昏昧旦暮莫辨冀其不背道義不愧幽獨也
得乎若吾身之毀譽得失有若浮雲不足輕重聽之可耳
又何思焉至於雕峻牆宇薰心利欲徒徇一二人之私而


寢前有屋二楹卑小閒曠差覺可處然塵土垢穢無片席
乾淨地命奴子灑掃整潔設几案日夕治事其中人吏聽
往來遇疑難輒閉戶屏僮僕焚香默坐以思必得其可否
乃已有暇讀古書數篇臨晉唐人法帖一二則倦則偃卧
移時雖無構櫨節稅之華嘉卉芳草之美聲色玩好之樂
以怡悅我情而古槐數株虬枝蒼翠影落窗外圖畫天然
風晨雨夕濤舞波掀恍若蛟龍在空欲挾雪雷飛去又有
耳震心駭令人悚惕益深者因顏曰慎思客至每笑其迂
且陋予甚適焉夫天下萬變而莫測者事也確然有一定

雜記所以補遺刻既畢復有遺者當補之虎威字仲嚴直
臣虎臣父也邑諸生會有事赴邊道拾一囊啟視金三錠
錦五端至逆旅揭帖招主人俄至悉與之主人欲酬以半
却不受

烈女李氏邑民李春風女同治元年回變時年甫笄倉猝
避未及被執賊脅與行不從強縛之馬上力抵拒脫去欲
復縛之女以手批賊且泣且罵賊怒殺之并其家人

不爲千萬人計則思爲越畔逆天理而干國典卽糾彈
苟免默默者其能爲之寬假哉聖人云君子有九思又云
先慎乎德余不敏竊願請事焉

論曰麟志六篇大體具矣間有遺逸以雜紀補之非泛撫
也第篇內卽事先後爲次不復依前篇類列惟涉荒誕者
弗載焉雜固不失於正也又烏能以雜病哉



應進縣新志草

卷六

七

